



Broj: 01/20-02-732/26-1
Sarajevo, 11.03.2026.godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 12-03-2026			
Org. jed	Broj	Priloga	Vrijednost

**PREDSTAVNIČKOM DOMU
PARLAMENTA FEDERACIJE BiH**

Dana 11.03.2026. godine održana je 8. sjednica Komisije za informisanje Predstavničkog doma Parlamenta Federacije BiH (u daljem tekstu: Komisija). Sjednici Komisije prisustvovao je dovoljan broj članova Komisije, tako da su ispunjeni uslovi za punovažan rad u pogledu kvoruma i odlučivanja.

Na sjednici je predložen i jednoglasno usvojen sljedeći

DNEVNI RED

1. Očitovanje Komisije za informisanje povodom pravosnažne presude Zoranu Krešiću, članu Upravnog odbora RTV Federacije BiH,
2. Nedostatak zakonske regulative za portale u Federaciji BiH – analiza stanja i inicijative za uvođenje registra online medija,
3. Apel/Urgencija koju je u parlamentarnu proceduru uputio Samostalni sindikat radnika u BHRT-u,
4. Dopis Radio – televizije Federacije Bosne i Hercegovine.

Na osnovu člana 44. a u vezi sa članom 69. Poslovnika Predstavničkog doma Parlamenta Federacije BiH ("Službene novine Federacije BiH", br. 69/07, 02/08, 26/20 i 13/24), Komisija podnosi sljedeći:

I Z V J E Š T A J

Ad-1

Očitovanje Komisije za informisanje povodom pravosnažne presude Zoranu Krešiću, članu Upravnog odbora RTV Federacije BiH

Komisija je razmotrila i očitovala se o pravosnažnoj presudi Zoranu Krešiću, članu Upravnog odbora RTV Federacije BiH i sa 6 glasova za donijela sljedeće

ZAKLJUČKE



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

1. Komisija za informisanje Predstavničkog doma smatra da je u interesu zaštite integriteta RTV Federacije BiH i očuvanja povjerenja javnosti, neophodno da se ovo pitanje hitno razmotri, te da gosp. Zoran Krešić preuzme ličnu i profesionalnu odgovornost, uključujući i razmatranje njegove ostavke na članstvo u Upravnom odboru RTV Federacije BiH.
2. Komisija očekuje da će se ovom pitanju pristupiti odgovorno, institucionalno i u skladu s ulogom i značajem koji RTV Federacije BiH ima u demokratskom društvu. Od medijskih radnika, a posebno onih koji sjede u Upravnim odborima s pravom se očekuju najviši standardi profesionalnog integriteta: nepristrasnost, poštovanje ljudskih prava i vjerskih sloboda, te objektivno i odgovorno novinarstvo. U suprotnom ko te standarde svjesno krši, nije dostojan povjerenja javnosti, a bez povjerenja nema ni legitimiteta - niti mjesta na bilo kojoj poziciji javnog medijskog djelovanja.

Ad-2

Nedostatak zakonske regulative za portale u Federaciji BiH – analiza stanja i inicijative za uvođenje registra online medija

Predsjednik Komisije gosp. Sanel Kajan je upoznao prisutne članove Komisije sa nedostacima zakonske regulative za portale u Federaciji BiH, nakon čega je otvorena diskusija tokom koje su pojedini članovi iznijeli veoma konstruktivne prijedloge i sugestije, te na kraju jednoglasno podržali sljedeći

ZAKLJUČAK

Komisija preporučuje Vladi Federacije BiH da pokrene proceduru izrade Zakona kojim bi se regulisala oblast djelovanja internet portala u Federaciji BiH i propisala obavezna registracija portala, kao i javno dostupne podatke o vlasniku i eventualnim suvlasnicima portala, glavnom i odgovornim urednicima i članovima redakcije, zatim tačnoj adresi sjedišta; kontakt e-mailu i broju telefona, uspostaviti registar online medija koji bi bio javan i dostupan svim građanima i institucijama, definisati jasne obaveze i odgovornosti za objavljeni sadržaj uključujući i sankcije u slučaju širenja lažnih vijesti, govora mržnje, dezinformacija i kršenja etičkih i profesionalnih standarda.

Ad-3

Apel/Urgencija koju je u parlamentarnu proceduru uputio Samostalni sindikat radnika u BHRT-u



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

Komisija je razmotrila Apel/Urgenciju koju je u parlamentarnu proceduru uputio Samostalni sindikat radnika u BHRT-u i jednoglasno konstatovala da podržava profesionalni rad i djelovanje u BHRT-u, zalaže se za dosljednu primjenu Zakona, te zahtijeva hitno i trajno rješenje koje će osigurati stabilno finansiranje javnog emitera, posebno kada je riječ o naplati RTV takse na cijeloj teritoriji Federacije Bosne i Hercegovine.

Apel/Urgenciju Samostalnog sindikata radnika u BHRT-u, Komisija je primila k znanju, te će isti proslijediti predsjedavajućem i zamjenicima predsjedavajućeg Predstavničkog doma, kao i Komisiji za informisanje Doma naroda na dalje postupanje.

Podsjećamo da je Parlament Federacije BiH 2022. godine usvojio Rezoluciju o javnom interesu funkcionisanja javnog radio-televizijskog servisa – BHRT.

Na osnivačima BHRT-a, Vijeću ministara i Parlamentarnoj skupštini Bosne i Hercegovine, je da osiguraju dosljednu primjenu Zakona o Javnom radiotelevizijskom sistemu Bosne i Hercegovine na teritoriji cijele države Bosne i Hercegovine.

Ad-5

Dopis Radio – televizije Federacije Bosne i Hercegovine

Komisija je zaprimila i razmotrila dopis Radio – televizije Federacije Bosne i Hercegovine u kojem se jasno iznosi problematika sa kojom se trenutno susreće ovaj javni servis, te je konstatovala s obzirom da se radi o dopisu informativnog karaktera da stoji na raspolaganju Radio – televiziji Federaciji Bosne i Hercegovine za podršku i saradnju.

Za izvjestioca Komisije određen je Sanel Kajan, predsjednik Komisije za informisanje.

PREDSJEDNIK KOMISIJE

Sanel Kajan